



Br: 02-02-1-230-6/17
Sarajevo, 6.06.2017.

N/r direktora

PREDMET: Poziv bh. kompanijama za učešće na Međunarodnom sajmu namještaja imm cologne 2018, Köln - Njemačka, 15-21.01.2018.

Poštovani,

Vanjskotrgovinska/Spoljnotrgovinska komora Bosne i Hercegovine organizira **osmi kolektivni nastup bh. firmi na Međunarodnom sajmu namještaja i interijera imm cologne, Köln (SR Njemačka)**, koji će se održati u periodu od **15-21. januara 2018. godine**.

Na sajmu imm 2018, paviljon Bosne i Hercegovine ukupne kvadrature od **210 m²**, bit će smješten u **Hali 3.1, segment 'Global Lifestyles'**, gdje se predstavljaju kolektivne izložbe/nacionalni štandovi zemalja, a veći dio hale zauzet će štandovi veoma atraktivnog **segmenta 'Pure Talents'** koji okuplja izlagače namještaja eksperimentalnog i inovativnog dizajna. (Prilozi: Mapa hala imm 2018; Tlocrt hale 3.1).

U paviljonu Bosne i Hercegovine izlagat će ukupno **7-8 bh. firmi** koje zadovoljavaju dole navedene kriterije. Za predstavljanje bh. firmi i njihovih proizvoda predviđeno je **190 m²**, a preostali prostor namijenjen je za zajedničke potrebe izlagača i organizatora (info-prostor, ostava). Minimalna kvadratura po firmi iznosi **20 m²**, a maksimalna **30 m²** (iznimno i veća, u slučaju manjeg broja prijavljenih firmi koje zadovoljavaju kriterije, ili ako je ostalo slobodnog prostora).

Troškovi koje snosi Vanjskotrgovinska komora BiH su:

- Dio troškova zakupa prostora;
- **Ukupne troškove uređenja štanda BiH (dizajn, izgradnja, transport i montaža štanda);**
- **Obavezni unos u katalog izlagača Koelnmesse** (u iznosu od **1.100 EUR po firmi**) za sve izlagače bh. štanda;
- **Logistika na štandu** (struja, čišćenje, internet, osvježenje – voda, kafa, sokovi..) – svi izlagači će na raspolaganju imati zajednički prostor za ostavu;
- Troškovi izrade **zajedničkog kataloga bh. izlagača;**
- Troškovi **pripremnih i marketing aktivnosti.**

Troškovi koje snose bh. firme:

- **Participacija u zakupu prostora štanda** koja iznosi:
 - **Za firme koje izlažu PRVI put na štandu BiH na sajmu imm: 150 EUR/ m² + PDV (17%).** Izlagači svoje učešće plaćaju V/STKBiH po osnovu ispostavljenih faktura;
 - **Za firme koje izlažu DRUGI, TREĆI ILI ČETVRTI put na štandu BiH na sajmu imm: 170 EUR/ m² + PDV (17%).** Izlagači svoje učešće plaćaju V/STKBiH po osnovu ispostavljenih faktura;



- Troškovi putovanja i hotelskog smještaja za svoje predstavnike;
- Troškovi transporta i špedicije eksponata do Kölna i nazad.

Ukoliko V/STK BiH u međuvremenu osigura dodatna sredstva od potencijalnih donatora, postoji mogućnost smanjenja navedenih troškova participacije za bh. firme.

Kriteriji za učešće firmi:

- Firma je izlagač namještaja proizvedenog u BiH, i to: namještaj za opremanje stambenog prostora - dnevna soba, spavaća soba, dječija soba, trpezarija; Prednost imaju firme koje proizvode namještaj od masiva i tapacirani namještaj;
- Firma ima iskustvo u izvoznim poslovima i upošljava barem jednu osobu koja aktivno komunicira na engleskom i/ ili njemačkom jeziku;
- Firma je strateški opredijeljena za izvoz na tržište EU i ima adekvatan kvalitet proizvoda;
- Poželjno je da firma u proizvodnji koristi sirovinu sa FSC FM certifikatom i da posjeduje ili radi na dobivanju FSC CoC certifikata;
- Prednost imaju firme sa većinskim domaćim kapitalom;
- Prednost imaju firme koje su aktivni članovi V/STKBiH (redovno izmiruju obaveze plaćanja članarine);
- Firma je izmirila finansijske obaveze proizašle iz prethodnih nastupa na sajmovima koje je organizirala V/STKBiH i pokazala je profesionalan pristup prilikom ranijih izlaganja (podjela informacija o rezultatima nastupa sa organizatorom, korektan odnos prema ostalim izlagačima na kolektivnom štandu, i sl.);
- Firma trenutno nema značajne dugoročne poslovne aranžmane i kontinuirane isporuke na tržištu EU;
- Firma je spremna participirati u troškovima vlastitog učešća;
- Firma je odgovorna za pripremu, pakovanje i transport vlastitih eksponata do sajmišta Koelnmesse i lokacije štanda BiH, te pakovanje i transport eksponata nazad u BiH;
- Firma će osigurati prisustvo najmanje jednog predstavnika cijelo vrijeme trajanja sajma, što uključuje i pripremni period (od 14-22.01.2018.).

Kako je broj bh. firmi koje će nastupiti na zajedničkom štandu ograničen, bit će izvršena **selekcija** u skladu sa navedenim kriterijima.

Pozivamo Vas da izrazite svoj interes za učešće na sajmu, popunjavanjem priložene **Prijave učešća** koju možete dostaviti putem faksa (033 566 239; 033 214 292) ili skeniranu putem e-maila (lejla.mededovic@komorabih.ba). **Rok za prijavu je 20.06.2017. godine. Kontakt osoba za dodatna pitanja: g-đa Lejla Međedović (033 566 231).**

S poštovanjem,


Enes Ališković
direktor, BHEPA

Prilog: Prijavni obrazac